

Što prije riješiti pitanje Zakona o staroj deviznoj štednji Republike Srpske



Visoki predstavnik u BiH poziva Ustavni sud BiH da u najkraćem mogućem roku riješi spor uzrokovan Zakonom o staroj deviznoj štednji RS i Zakonom o staroj deviznoj štednji BiH. Bez odluke ovog tijela ne može biti postignuta pravna sigurnost za stare devizne štediše u cijeloj Bosni i Hercegovini.

Od aprila 2006. godine na snazi je zakon na državnom nivou, čiji je cilj da izdavanjem jedinstvene obveznice svim štedišama na jedinstven način riješi ovo pitanje na cijeloj teritoriji Bosne i Hercegovine. Donošenjem vlastitog Zakona o staroj deviznoj štednji, u januaru 2008. godine, Republika Srpska je uspostavila odvojen sistem koji je u direktnoj suprotnosti sa državnim zakonom o izmirenju obaveza po osnovu stare devizne štednje.

Što se duže odgađa odluka Ustavnog suda, veća će biti pravna nesigurnost za devizne štediše u cijeloj Bosni i Hercegovini, uključujući vlasnike obveznica u RS, one koji su već kupili ili razmišljaju o kupovini obveznica u RS te štediše u Federaciji BiH i Brčko Distriktu, koji čekaju na izdavanje obveznica kojima će se izmiriti njihova potraživanja.